



## MSA - (Minnesota Kev Pab Nyiaj Ntsuab, Nyiaj Muas Noj thiab MA Kho Mob)

MSA - (Minnesota Supplemental Aid)

### MSA yog dabtsi?

MSA yog qhov kev pab hu ua Minnesota Supplemental Aid. Nws yog ib qho nyiaj tsawg uas lub xeev muab rau cov neeg khwv tsis tau nyiaj ntau uas yog cov laus, dig muag lossis xiam oob qhab thiab yog cov tau nyiaj Supplemental Security Income (SSI). Kuj muaj feemxyuam tau txais MSA thiab yog tias koj tau nyiaj Social Security Disability uas ntau dua \$743 tiamsis tsawg dua \$864 tauj ib hlis.

- Ib tug neeg uas tau nyiaj SSI pab \$783 thiab nyob nws tus kheej feem ntau yuav tau \$81 rau MSA.
- Ib khub niam txiv uas nkawd nyob nkawd tus kheej thiab tau nyiaj SSI raws ib khub niam txiv \$1175 feem ntau yuav tau \$111 rau MSA.
- Yog koj nyob rau tej hom tsev nyob uas tsis yog chaw pab saib xyuas kho mob, qhov nyiaj yog \$102 tauj ib hlis.

Vim txoj kev MSA raug xam, koj feem ntau yuav tsis muaj feemxyuam tau yog tias koj nyob nrog lwm tus neeg tshwj tias yog ib tug txwj nkawm uas kuj tau nyiaj SSI thiab.

Yog nyob koj tus kheej yog tias:

- Koj muaj koj ntaub ntawv xauj tsev tus kheej
- Koj muaj ib chav rau koj tus kheej
- Koj ua thiab yuav koj tej zaub mov koj tus kheej

Yog koj yeej nyob rau ib qho chaw li nov thiab MSA tsis kam muab nyiaj rau koj, tiv tauj Legal Aid.



Txhua yam nyiaj koj tau uas tshaj qhov nyiaj SSI ces yuav siv los xam koj qhov MSA, tiamsis yog tias koj ua haujlwm, ib feem ntawm koj cov nyiaj uas khwv tau los yuav tsis raug suav.

### Cov Nyiam Rau Kev Tshwjxeeb

Yog koj muaj feem tau MSA, tej thaum koj muaj feem tau ntau dua yog tias:

- koj yuavtsum noj zaub mov tshwjxeeb los ntawm kws kho mob sau cia
- muaj ib tus neeg sawv cev txais nyiaj rau koj, tus saib xyuas koj lossis tus neeg tswj pab koj uas yuavtsum tau them nyiaj rau
- koj muaj kev yuavtsum tau kho tej yam hauv lub tsev ib zaug lossis hloov tej rooj tog lossis cav siv hauv tsev

- koj them nqi tsev siab
  - koj tabtom tsiv tawm ntawm ib lub chaw lossis ib qhov kev pabcuam txog txoj kev nyuaj siab lossis
  - tau txais kev pabcuam tu tus kheej los ntawm Medical Assistance (MA)

## **Puas tsim nyog kuv thov MSA?**

Tsim, yog tias koj:

- Muaj 65 xyoo lossis ntau dua lossis
- Dig muaj lossis xiam oob qhab thiab muaj hnub nyob 18 xyoo mus rau 65 xyoos
- MSA siv tib co cai tib yam li Social Security los xam seb leejtwg xiam oob qhab. Koj mus nrhiav tau [ntaub ntawv txog qhov no](#) ntawm Social Security Administration lub vassab [www.ssa.gov](http://www.ssa.gov). *(lus Askiv xwb)*

Koj cov nyiaj khwv tau los yuavtsum tsawg dua cov nyiaj uas sau rau saud. Mus ua ntaub ntawv thov, mus sau npe rau daim ntawv ntawm koj lub nroog lub hoobkas lossis mus ua ntaub ntawv hauv vassab ntawm [www.ApplyMN.dhs.mn.gov](http://www.ApplyMN.dhs.mn.gov) *(lus Askiv xwb)*. Koj muaj feem hu tau thiab nug kom lawv xa ib daim ntawv sau npe tuaj rau koj, tiamsis koj tsis muaj feem ua ntaub ntawv thov hauv xovtooj. Ib tug neeg ua haujlwm yuav saib koj cov nyiaj uas khwv tau los thiab khoom ntiag tug seb koj puas muaj feemxyuam.

## **Tus nqi ntawm cov khoom ntiag tug uas MSA txwv tsis pub dhau yog dabtsi?**

Khoom ntiag tug txhais tau tias nyiam thiab khoom vajtse. Yog koj tau SSI, tus nqi txwv ntawm khoom ntiag tug rau MSA yog raws tib yam li SSI. Qhov no txhais tau tias ib tug neeg muaj tau mus txog \$2,000 khoom ntiag tug. Ib khub niam txiv muaj tau mus txog \$3,000. Tiamsis tej yam khoom tsis suav:

- Lub Tsev Nyob
- Tus kheej tej khoom thiab cuabyeej hauv lub tsev
- 1 lub tsheb, tsis sauv tus nqi licas, tsuav tias koj lossis lwm tus hauv koj lub tsev siv xwb
- Txhua yam khoom lossis twj uas koj siv los pab koj tus kheej
- Nyiam isalas thiab txheej txheem rau kev tag sim neej uas mus txog \$1,500
- Chaw zais qauv



Tus nqi ntawm cov khoom ntiag tug uas txwv tsis pub dhau yuav siab tshaj rau tej txhia neeg uas tsuas tau Social Security Retirement lossis Disability xwb tiamsis ho tsis tau SSI.


**Qhov Emergency Minnesota Supplemental Assistance (EMSA) tsis muaj lawm.** Yog koj muaj xwmtxheej ceev, mus ua ntaub ntawv thov rau qhov Emergency General Assistance. Mus saib pab daim ntawv ntawm [Kev Pab Nyiaj Rau Xwm Ceev](#).

## Yog tias lawv tsis kam MSA rau kuv ne?

Koj muaj cai tsis pom zoo rov hais dua. Muaj 2 txoj kev rau koj tsis pom zoo rov hais dua:

### Hauv online:

Koj mus [sau rau daim ntawv thiab xa koj qhov kev tsis pom zoo rov hais dua](https://mn.gov/dhs) rau lub vassab. Mus rau: <https://mn.gov/dhs>.



- Nias qhov “How do I” uas nyob saum toj ntawm phab nplooj no
- Hauv qab qhov “Find” nias qhov “edocs and forms”
- Nias koj hom lus
- Ntaus 0033 rau txoj kab sau ntawv nrhiav

Kuj muaj lus qhia thiab yog tias koj xav nyeem (*lus Askiv xwb*). Nyeem kom zoo, sau kom tiav tagrho thiab nias “Submit” uas nyob hauv qab ntawm sab xis. Nws yog tswvyim zoo rau koj luam ib daig rau koj tus kheej.

### Xa ntawv lossis xa fax mus:

Koj muaj feem sau ntawv thiab xa mus lossis xa fax mus. Hais rau tias koj rov hais dua txog MFIP kev txiav txim thiab vim lcas. Saib kom zoo tias koj yeej tau sau tus zauv ntawm koj rooj lus thiab sau hnuv tim nyob rau koj daim ntawv. Luam ib daig rau koj khaws cia. Cov ntawv uas lub nroogxa ntawv tuaj rau koj yuavtsum muaj qhov chaw nyob thiab tus fax koj toobkas.

Rau ntaub ntawv ntxiv mus saib peb daim ntawv tseeb, [Rov Hais Dua Txog Tsoomfwv Nyiaj Pab Peixeem \(Welfare\) rau DHS](#).

Koj muaj 30 hnuv los ua ntaub ntawv rov hais dua pib rau hnuv tim uas nyob ntawm daim ntawv qhia tias tsis txais koj. Koj muaj feem rov hais dua ua ntej dhau 90 hnuv ntawm daim ntawv yog tias koj muaj tej yam tseemceeb ua rau koj rov hais dua tsis tau ua ntej 30 hnuv.

Koj yuav tau mus hais rooj plaub rau ib tug lws txiav txim nrog rau hauv lub xeev pab tib neeg mloog, uas yuav sau ntawv txiav txim rau koj rooj rov hais dua. Yog koj muaj xwmtxheej ceev, nug kom lawv muaj kev rov hais dua sai (“sai” txhais tau tias ceev). Thaum no ces koj rooj plaub rov hais dua yuav teem tau ceev.



*Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.*

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.